

Na sesión celebrada na data que se indica, adoptouse o seguinte

A C O R D O:

Na cidade de Ourense, a dezaioito de decembro de dous mil dous.

Visto o expediente de clasificación do monte como veciñal en man común denominado *As Madornas*, por solicitude dos veciños da Abeleda, parroquia do Castro de Beiro, do Concello de Ourense (Ourense).

Resultando que con data 14 de febreiro de 2001, tivo entrada no rexistro da Delegación provincial da Consellería de Medio Ambiente en Ourense, escrito dirixido ó Xurado Provincial de Montes Veciñais en Man Común asinado polos veciños do lugar da Abeleda, Concello de Ourense (Ourense), solicitando se declare o monte "As Madornas" como veciñal en man común.

Resultando que o Xurado provincial en sesión celebrada en data 26 de setembro de 2001, acordou tomar en consideración o citado escrito e inicia-lo expediente de clasificación do monte designando instructores do mesmo a Miguel Ángel González Trigás e Miriam Areal López, que aceptaron tal cargo, librándose mandamento para a anotación preventiva no Rexistro da Propiedade número dous de Ourense, e remitíndose comunicacións dirixidas ós veciños do lugar da Abeleda, ó presidente da Deputación Provincial de Ourense, ó alcalde do Concello de Ourense, á Delegación provincial da Consellería de Política Territorial, Obras Públicas e Vivenda, ó xefe do Servicio de

Montes e Industrias Forestais, á Xerencia Territorial do Catastro e á Delegación provincial da Consellería de Agricultura, Gandería e Política Agroalimentaria, publicándose edictos no Diario Oficial de Galicia e no taboleiro de anuncios do Concello de Ourense, durante o prazo dun mes segundo consta en dilixencia estendida ó dorso do edicto polo secretario do citado concello, para que durante o prazo sinalado en edictos os interesados puidesen comparecer ou intervir nel, en defensa dos seus dereitos, e non consta presentada ningunha alegación..

Resultando que a anotación preventiva de iniciación do expediente, se practicou no Rexistro da Propiedade número dous de Ourense, como segue:

Tomo 1.542, Libro 345, do Concello de Ourense, Folio 64, predio rexistral número 26.382, anotación letra A.

Resultando que na tramitación do expediente cumpríronse tódalas formalidades legais.

Considerando que o Xurado Provincial de Clasificación de Montes Veciñais en Man Común, ten xurisdicción e competencia para coñecer os expedientes de clasificación dos montes que teñan tal carácter a teor do establecido no artigo 9 da citada Lei.

Considerando que o tipo de comunidade xermánica que institúe a Lei de montes veciñais en man común ten como características esenciais as seguintes:

- 1) Que os condominios se unen por vínculos persoais de veciñanza agrupados en parroquias, aldeas, lugares, casaríos ou barrios non constituídos formalmente en entidades municipais;
- 2) Que polo tanto o número de titulares é variable e indeterminado;
- 3) Que o patrimonio colectivo é utilizado e aproveitado polo veciño, en canto membro da agrupación veciñal, faltando a idea de cota no sentido xurídico-romano;
- 4) Que o patrimonio e a participación é inalleable, imprescritible e inembargable;  
e
- 5) Que a comunidade é indivisible, non podendo os comunciros pedi-la "*actio communi dividundo*".

Considerando que segundo informacións e testemuños resulta que os montes citados son aproveitados e posuídos en réxime de comunidade xermánica polos veciños do lugar da Abeleda, no Concello de Ourense

Os datos do citado monte son os que se referencian na parte dispositiva deste acordo.

Considerando que das informacións recollidas resulta que os veciños do lugar da Abeleda, están conformes coa clasificación do citado monte como veciñal en man común.

Considerando que a teor do disposto na Lei de montes veciñais en man común, o expediente de clasificación se iniciou por acordo do xurado, por instancia dos veciños da Abeleda, para que este xurado puidese acorda-la iniciación do expediente de clasificación.

Vista a Lei galega 13/1989, do 10 de outubro, de montes veciñais en man común e o seu Regulamento, o Decreto 260/1992, do 4 de setembro, así como o establecido na Lei de réxime xurídico das administracións públicas e do procedemento administrativo común, do 26 de novembro de 1992.

Visto o Decreto 14/2002, do 24 de xaneiro, polo que se establece a estrutura orgánica da Consellería de Medio Ambiente.

O Xurado Provincial de Clasificación de Montes Veciñais en Man Común, á vista dos antecedentes e fundamentos expostos e por unanimidade dos seus membros:

#### ACORDA:

Primeiro. - Clasifica- lo monte denominado *As Madornas*, de 22.233 m<sup>2</sup>, aproximadamente en conxunto de superficie a favor dos veciños do lugar da Abeleda, parroquia do Castro de Beiro, no Concello de Ourense (Ourense), e cos datos que a seguir se relacionan, coma veciñal en man común, en réxime de comunidade xermánica.

Os datos do citado monte son:

Concello: Ourense

Denominación do monte: As Madornas, integrado por 5 parcelas

Comunidade propietaria: veciños do lugar da Abeleda (parroquia do Castro de Beiro)

Superficie: 22.233 m<sup>2</sup>, aproximadamente., en conxunto

Parcela nº 1:

Superficie: 3.342 m<sup>2</sup>, aproximadamente

Estremas.

Norte: Eladio Álvarez González e Bartolomé Piñeiro Álvarez

Sur: Camino das Madornas

Leste: Camiño da Batoca

Oeste: María González Casares

Parcela nº 2:

Superficie: 780 m<sup>2</sup>, aproximadamente

Estremas:

Norte: Valentín Gutiérrez Mosquera e María González González

Sur: Camiño da Devesa

Leste: Camiño da Batoca

Oeste: Camiño da Devesa

Parcela nº 3:

Superficie: 17.376 m<sup>2</sup>, aproximadamente

Estremas:

Norte: Camiño das Madornas





Sur: Estrada de Abeleda a Figueiras

Leste: Camiño das Madornas

Oeste: Camiño de Liñares á Vilariño

Parcela nº 4:

Superficie 1.381 m<sup>2</sup>, aproximadamente

Estremas:

Norte: Estrada de Abeleda a Figueiras

Sur: Antonio Novoa Gómez, Francisca Araujo, María Venancia, Amadeo Álvarez Álvarez, Antonio Novoa Gómez, Isaura Álvarez, Benigno Álvarez y José Álvarez Álvarez

Leste: Camiño de servidume á leiras

Oeste: Antonio Novoa Gómez

Parcela nº 5:

Superficie 134 m<sup>2</sup>, aproximadamente

Estremas:

Norte: Estrada de Abeleda a Figueiras

Sur: María Iglesias Sarmiento

Leste: Basilisa Iglesias Quintas

Oeste: Camiño de servidume á leiras.

Segundo.- Que se proceda á exclusión do citado monte de calquera inventario, catálogo ou rexistro público no que poidan figurar inscritos a favor de persoa ou entidade distinta á que agora se asigna a súa pertenza.



Notifíquese esta resolución ó alcalde-presidente do Concello de Ourense, ós representantes da comunidade veciñal, ó xefe do Servicio de Montes e Industrias Forestais, ós que se lles fará saber que esta resolución, que pon fin á vía administrativa, pode ser obxecto de recurso de reposición potestativo perante o Xurado Provincial de Clasificación de Montes Veciñais en Man Común de Ourense, no prazo dun mes, ou recurso contencioso-administrativo perante o Xulgado do Contencioso-Administrativo de Ourense no prazo de dous meses, ámbolos dous prazos a partir do día seguinte ó da publicación no *Diario Oficial de Galicia* (artigos 109 e 116 da Lei 30/1992, do réxime xurídico das administración públicas e do procedemento administrativo común e artigos 8 e 46 da Lei 29/1998, do 13 de xullo, reguladora da Xurisdicción Contencioso-Administrativa.)



Visto o acordo de clasificación como vecinal en man común do monte denominado "As Madornas" por resolución do Xurado Provincial de Montes Veciñais en Man Común de data dezaioito de decembro de dous mil, tendo en conta que se produciu un erro material na expresión da superficie total do monte, e sendo de aplicación do artigo 105,2 da Lei do réxime xurídico das administracións públicas e procedemento administrativo común, de 26 de novembro de 1992, modificada pola Lei 4/99, de 13 de xaneiro, que establece que as Administracións Públicas poderán rectificar en calquera momento os erros materiais, de feito ou aritméticos existentes nos seus actos,

Este Xurado de Montes ACORDA a rectificación material da parte dispositiva do acordo de data 18 de decembro de 2002 no sentido de que nos parágrafos nos que se consigna a superficie total do monte, debe dicir "23.013 m<sup>2</sup>, aproximadamente en conxunto" e non "22.233 m<sup>2</sup>, aproximadamente en conxunto" como erroneamente se fixo constar e asimesmo que o presente acordo se incorpore como anexo á resolución referenciada. Consecuentemente debe procederse á corrección da superficie total do monte que figura no plano anexo. Dita rectificación non incide no resto do acordo que permanece idéntico.

Ourense, a dous de marzo de dous mil catro



*[Handwritten signatures and marks over the stamp and below it]*







Ocidente (2027 - otro)

